

Апостол 02.12.2023

**Б:** Мир всем.

**Я:** И духови твоему.

**Б:** Премудрость.

**Я: Прокимен глас 1:**

Уста моя возглаголют премудрость, / и поучение сердца моего разум.

**Хор: Уста моя возглаголют премудрость.....**

**Я:** Услышите сия вси языцы, внушите вси живущии по вселенней.

**Хор: Уста моя возглаголют премудрость.....**

**Я: Ин Прокимен глас 8:**

**Я:** Веселитесь о Господе, / и радуйтесь, праведнии.

**Хор: Веселитесь о Господе.....**

**Б:** Премудрость.

**Я:** ко ефесеем послание святого Апостола Павла чтение.

**Б: Вонмем**

**Братие,** возмогайте о Господе и в державе крепости Его, облецытесь во вся оружия Божия, яко возмощи вам стати противу кознем диавольским, яко несть наша брань к крови и плоти, но к началом и ко властем и к миродержителем тмы века сего, к духовом злобы поднебесным. Сего ради приимите вся оружия Божия, да возможете противитися в день лют и вся содеявше стати. Станите убо препоясани чресла ваша истиною, и оболкшесь в броня правды, и

обуvsше нозе во уготование благовествования мира, над всеми же восприимше щит веры, в немже возможете вся стрелы лукаваго разжженныя угасити. И шлем спасения восприимите, и мечь духовный, иже есть Глагол Божий. \* (Еф 6:10–17; зач. 233)

**Братие,** предувидевше Писание, яко от веры оправдает языки Бог, прежде благовествова Аврааму, яко благословятся о тебе вси языцы. Темже сущии от веры, благословятся с верным Авраамом. Елицы бо от дел закона суть, под клятвою суть. Писано бо есть: проклят всяк, иже не пребудет во всех писанных в книзе законней, яко творити я. А яко в законе никтоже оправдается от Бога, яве, яко праведный от веры жив будет. Закон же несть от веры, но сотворивый та человек жив будет в них. \* (Гал 3:8–12; зач. 205)

**Б:** Мир ти.

**Я:** И духови твоему.

**Б:** Премудрость.

**Я:** Аллилуиа глас 4

**Я:** Уста праведнаго поучатся премудрости, и язык его возглаголет суд.

**Хор:** Аллилуиа 3 раза

**Я:** Закон Бога его в сердце его, и не запнутся стопы его.

**Хор:** Аллилуиа 3 раза

**Я:** Возваша праведнии, и Господь услыша их, и от всех скорбей их избави их.

**Хор:** Аллилуиа 3 раза